

9. maj 2019

UPA 2019/183

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni aamma Islandimi Naalakkersuisut nunat akornanni sammisami timersornermut tunngasumi suleqatigiinnerup annertusarneqarsinnaanerani misissueqqullugit kaammattorpai.

(Aallartitat siulittaasuat Vivian Motzfeldt)

Nunat Avannarliit Killiit Siunnersuisoqatigiiffiata nunat pineqartut akornanni timersornikkut annertunerusumik suleqatigiittoqarsinnaanerani misissuisoqarnissaanik siunnersuummut Siumumiit imaattumik oqaaseqaateqassuugut.

Timersorneq timersornerinnaanai aammali pinaveersaartitsinermi sakkussatsialaasoq ilisimalluarparput. Nunatsinni timersorneq eqqarsaatigissagaani arrikkaluamik siuariartortutut oqaatigineqarsinnaavoq. Nunatta isorartuinerujussua inoqarfiillu siamasissumik inissisimanerisa ilaatigut peqqutigisarpaat piffinni amerlasuuni timersornerup ineriartortinneqarnissaa annertusaavigineqarnissaalu ajornakusoorsinnaasarneranut. Tamanna pingaartumik meerartatsinnut inuusuttortatsinnullu annertuumik inuunerinnerunissamut misilittagaqarluarnissamullu periarfissanik killiliisorujussuuvuq, tamannalu uggornaqaq.

Ilumoorpoq nunat sanilerisagut, tassalu Island aammalu Savalimmiut timersornikkut nunarsuarmioqataaneq eqqarsaatigalugu annertuumik nunatsinnut sanilliullugit siuarsimammata. Tassami nunarsuarmi pissartanngorniuttarnerit assigisaallu eqqarsaatigalugit annertuumik misilittagaqarlualereernikuupput, tamannalu ineriartorneq nunatsinnut atorluagassaasariaqartoq Siumumi isumaqarpugut.

Nunat sanilerisagut qulaatungaani taaneqartut eqqarsaatigalugit maannamut pitsassuumik timersornerup tungaatigut ineriartortitsisimanerat nunatsinniit atorluartariaqarparput. Pingaartumik meeqqat inuusuttullu tassuunakkut nukittorsaavigigutsigik qularnanngilaq inuunerinneruneq pinaveersaartitsinerillu annertuumik tamanut pitsaasumik kinguneqartitsisussaapput, taamaammallu kaammattuut manna Siumumiit pitsaasutut isumaqarfisarpugut akuersissutigineqarnissaa inassutigarpugut.

Anders Olsen, Siumut